



391291

KAT. KOMP.


Mag. St. Dr.



6227




914 II



391291

II


Mag. St. Dr.



Ex-Libris
PODHORCE

ABET GR

1154



111

391291

II



Gunn. Bibl. Aug. 194.
1856/57

701. 1.
GENUINA
RATIOCINATIO
CIRCA DECRETUM

*ejusque Executionem
in Negotio*

THORUNENSI

ANNO 1724. *agitato,*

Ab amante Veritatis, & Legum Patriarum

CIVIS

Luci publicæ data

ANNO 1725.



Ulla facile post hominum memo-
riam sententia tantos peperit stre-
pitus, animorumq; motus, quan-
tos ea, quæ superiore Anno in
Causa tumultus Thorunenſis pro-
nuntiata, Executionique est man-
data.

Ex ipsis Catholicis nonnulli, negotio non-
dum satis perspecto, naturali hominibus misera-
tione ducti, nonnihil durius hic actum existima-

A

verunt.

verunt. Cæteri verò ab his Sacris alieni, ad primos de ea rumores, adeo adversus nos præoccupati sunt, ut nè expectatâ quidem penitiorè rei cognitione, hanc judicandi rationem, tanquam inexcusabilem, injustam, crudelem, ac barbaram, sermonibus ubiq; differrent; nec in Iudices modò, qui eam sententiam pronuntiaverant, & in Actores, qui ansam ei dederant, sed & in Universam Reipublicam Nostram, summâ vehementiâ, ac acerbitate invecti, eos, in quos tamen nulla ipsis Iurisdicção competit, in antecessum inauditos condemnarent. Imò rem nimiùm quantùm exaggerantes, tanta cum invidia repræsentârunt, ac si omnibus Principibus, Rebusquè publicis Protestantibus, ijs præsertim, qui Pacem Olivensem, vel pepigerunt, vel pro ea fidejusserunt, hac de re satisfactio- nem flagitandi, & sumendi etiam, non solùm jus esset, sed & obligatio incumberet. Nequè res intra fines privatarum repræsentationum substitit; ex ipsis Aulis etiam Protestantium Principum, nonnullæ eòusq; commotæ fuerunt, ut non mitiùs ea de re judicarent, & multis comminationibus additis, ac sub eventuali propemodum belli denuntiatione, sententiam hanc post ejus Executionem etiam rescindi & immutari, aliaq; adhuc majora postularent.

Quis est, qui ignoret, quantoperè hac in parte, (: si quidem scriptis, & relationibus in publicum emissis fides habenda est:) præ cæteris elaboraverit Aula Prussica, tametsi Reipublicæ Nostræ sempiterno foedere juncta; quamquè nihil ea
fe-

fecerit reliqui, quò & alios, in primis S. R. M. Magnæ Britannæ ad Societatem sollicitaret?

Sed, quæ inter Principes hâc de Causa acta sunt, nos quidem lubenter prætermittimus, cum quibus Rex Noster Serenissimus, & Respublica hoc negotium conficient, & ad postulata eorum, prout visum ipsis fuerit, respondebunt.

Cum verò tot privatorum hominum scripta, tantum non quotidie prodeant, quibus Acta Iudicij Nostri Assessorialis pessimè traducuntur, & omnes ferè Protestantium Aulæ in Nos concitantur, Civis bono & fideli subdito integrum, puto, erit, contra hos Reipublicæ Nostræ causam suscipere.

Dabimus igitur hoc pietati erga Patriam, & amoris pacis & tranquillitatis publicæ, ut eâ, quâ fieri potest brevitate, ostendamus, frustra esse eos, qui hanc rem adeò exagitant; nullo profus idoneo fundamento niti, qui injustitiæ, ac crudelitatis accusant, quæ hac in Causa acta sunt.

Rempublicam quoque Nostram, nemini ad reddendas rerum gestarum rationes obstructam esse, neque quemquam has ab ea exigere posse: denique Olivensem pacem haud quaquam à Nobis violatam esse, & necquidquam obrentui sumi, & ab ijs certè, qui hactenus, vel maximè ad eam provocârunt, contra nos non posse allegari.

Qua in re ita versabimur, ut omnia, eâ quâ fieri potest animi moderatione, procul omni vehementiâ, ac infectatione, exponamus, atq; ab ijs, qui remoto partium studio rem penitiùs perpendent, ut in posterum de ea æquius Iudicium ferant, Nos impetraturos confidimus. Quod si igitur quis

sententiam aliquam injustitiæ, & crudelitatis argue-
re velit, necesse est, ut ante omnia probè expen-
dat, quale sit, quod commissum est delictum? sitnè
pœna delicto, & patrijs legibus conveniens? U-
trùm accusati criminis fuerint convicti? an Iudex
causam debito modo tractaverit? Hæc verò, quis
credat, illis, qui hactenus vel maximè in sen-
tentiam Thorunensem vehementissimis scriptis in-
vecti sunt, cognita & perspecta fuisse?

Quæ cùm ita sint, non equidem est mirandum,
sententiam hanc ipsis duriorè visam esse; sed hoc
tamen excusari vix potest, quòd antequam de his
cognoverint, continuò Iudicium ferre, totumquè
hunc agendi modum, injustum, crudelem, ac bar-
barum dicere audeant?

Ipsa fanè, quæ lata est sententia, & Acta pu-
blica luculenter ostendunt, non hic unum dunta-
xat delictum, sed delictorum cumulum occurrere:
vim publicam, tumultum, invasionem Locorum Re-
ligiosorum, violationem securitatis publicæ, furta,
sacrilegia, homicidium, profanationem Sacrorum,
blasphemiam, & plura alia.

Dici vix potest, quòd usquè tumultuantium rabi-
es processerit; hi enim, die 17. Julij maximâ vio-
lentiâ usi, primùm in Scholas, deinde etiam in Col-
legium ipsum Patrum Jesuitarum armatâ manu
impetum fecerunt, & per vim revulsis portarũ clau-
stris, quidquid fors objecit, confregerunt, gladijs
aut cultris dissecuerunt, aut glandibus plumbeis tra-
jecerunt; quidquid pecuniæ & supellectilis reper-
tum, diripuerunt, abstulerunt, Personas Religiosas
malè habitas verberârunt, vulnerârunt, unum eo-
rum

rum Sacram Eucharistiam furori huic eximere conantem, tantâ immanitate exceperunt, ut ex eo tempore non convaluerit, sed aliquot mensibus elapsis mortem obierit.

His adde Altaria, Oratoria, & Sacella profanata; destructa, desolata, Imagines Christi tam Cruci affixi, quàm alias, Matris itidem ejus, & Sanctorum, gladijs perforatas, diffractas, dilaceratas, pedibus conculcatas, & quòd adhuc vesanius est, in publicâ plateam comportatas, cum effusione multarum blasphemiarum, igne combustas, omniaq; proteruitatis genera, quæ furor suggestit, perpetrata.

Tot inter delicta nullum fere est, quod non vel solum, capitis poenâm mereatur.

Ex omni tamen facinorosorum numero, non nisi perpauci, atq; ij quidem, qui eorum, quæ diximus, delictorum fere omnium simul rei deprehensi fuerant, hâc poenâ affecti sunt.

Numquid apud Protestantes, ijs in Regionibus, ubi eorum Religio præ alijs dominatur, cum Catholicis hujusmodi crimina patrantibus, mitius agetur?

Nonne quibusdam in locis ij etiam, qui tantum in Iudæorum aliquam Synagogam simili proteruitate irruerint, non minus graves poenas persolvent?

Sanè de Judicio Nostro Assessoriali verè potest prædicari, illius tantam fuisse moderationem, ut delinquentes, habito simul ad eorum religionem respectu, mitiore etiam poenâ affecerit, quàm si id generis delicta Catholici commisissent. Hi

B enim

enim in simili scelere, sine dubio planè ad ignis supplicium condemnati fuissent.

Ad hanc ordinariæ pœnæ mitigationem non parùm commovit Iudices, toto Terrarum Orbe celebrata Clementia, ac gratia Serenissimi Regis Nostri, qui, si per ipsum stetisset, & si justitia id permisisset, dubium non est, quin delinquentibus, lubentissimè pœnam planè remissurus, aut certè ulterius imminuturus fuisset.

Accessit Senatorum Nostrorum singularis animi æquitas, quorum prudentissimis admonitionibus Iudices locum reliquerunt.

Sententia igitur hæc nè quidem nimis dura, nedum crudelis, & barbara, dici potest; Quanquam utrùm mitior illa sit, an durior, non quæritur, sed, an Patrijs legibus congruat?

Sit lex dura, modò sit scripta: Quis verò nescit, tumultus & seditiones, secundùm Constitutiones Regni Nostri, penè pro perduellionis crimine haberi? & vel œdium privatarum, nedum Locorum religiosorum invasores, vigore Constitutionis quæ Anno 1607. lata est, morte multari?

Quantâ severitate non utitur Jus Saxonicum Commune, etiam apud Nos receptum, Jus item Culmense, in Sacrilegia, vim publicam, & blasphemias? Has Leges & Constitutiones in perscribenda hac sententia, Iudices Nostri summâ religione secuti sunt.

Quòd si quis obijciat, reos criminum, quorum accusati sunt, minùs fuisse convictos? hæc ipsa sententia, & acta Iudicialia alia omnia docebunt.

Non-

Nonnulli reorum, nè ipsi quidem, quæ patra-
 verant, inficiati sunt. Ex utraqüe parte viginti sex
 testes producti, & singuli, jurejurando interposi-
 to, examinati sunt; atque in his complures Lu-
 therani, fontes non minüs admissorum facinorum
 convicerunt. Quàmvis nemo fortè dubitaverit,
 quin Dissidentes criminum etiam per Catholicos
 testes convinci possint.

Accedit, quòd ij ipsi, qui sententiam hanc hac-
 tenus enixissimè impugnare conati sunt, non ta-
 men ausi fuerint negare, eos, qui pœnas morte
 dependerunt, delictorum fuisse convictos. Et quo,
 quæso, colore, negare hoc poterunt ij, qui nequè
 Actorum rothulos, nequè testium depositiones un-
 quam perlegerunt, aut saltem inspexerunt?

Nonné ipsa æquitas, & ea, quæ pro tanto
 iudicio, imò pro quocunquè iudice militat præ-
 sumptio expõsit, ut legitimè, & secundum acta, &
 probata pronuntiâsse credamus, donec contrarium
 evidenter demonstretur?

Quòd si aliquando ijs, penes quos hujus rei
 arbitrium est, visum fuerit, pleniùs hæc & copio-
 siùs deduci, ipsa Acta publica eorum, qui senten-
 tiam hanc pronuntiârunt, fidem & integritatem
 omnibus luculenter probabunt.

Sed & negari nequit, causam, debito modo,
 ordine, ac tempore, pertractatam esse. Quippe
 ad negotij hujus disquisitionem, tres & viginti
 Viri, Illustrissimi, ac præstantissimi, ex diversis Re-
 gni Provincijs, tanquam recuperatores, (: vulgò
 Commissarij:) constituti sunt, Citationes in jus
 ritè factæ, Judicium recuperatorium, quod Com-
 missio-

missionem dicunt, debito tempore & loco constitutum, ac publicatum. Inquisitio Thorunij die 16. Septembris inchoata, partibus litigantibus interrogatoria & articuli exhibiti, exceptiones adversus testes admiffæ, Jurisjurandi formulæ de Comuni Omnium sententia præscriptæ, atque ab una quaque Parte viginti sex testes designati, debito modo per quatuor septimanarum spatium examinati sunt, & rothuli, quos omnes Commissarij nominatim subscriptionibus & sigillis suis corroboraverant, die 14. Octobris ad Iudicium Assessoriale Varfaviam transmissi.

Hic quoque die 19 Octobris: Civitatis Deputati, cum duobus Causarum Patronis, ad defensionem admiffi, & post tria demum consveta legitimi temporis intervalla, negotium pro consummato, & concluso habitum est.

Quo factò, per Constitutos Iudices, & Assessores, causa denuo deliberata & expensa, tandemque die 13. Novembris sententia ad legum normam perscripta, lata, atque postea ab Universa Republica comprobata, & confirmata, adeoque hac in re, omni ex parte, debita legalitas, & formalitas accuratè fuit observata.

Demonstrent, si possunt, ij, qui huic rei contradicere audent, quanam in parte non ritè & secundùm Leges fuerit actum! aut, si id nequeant, neque enim unquam demonstrare poterunt, desinant aliquando, talia Nobis obijcere.

Unum est, quod solum, aliquam rigoris speciem præferre videtur, idque potissimùm exaggerârunt, qui sententiam Judicij Assessorialis hactenus

tenus impugnârunt, quòd præter reos criminis, ipsa simul Civitas, unà cum Magistratu punita, imperatumquè fuerit, ut in posterum etiam Catholici, ad dignitates in Curia admitterentur, & dissidentes de templo, atque adjecto eidem Monasterio, quod in Gymnasium converterant, & quibus hactenus usi fuerant, decederent. Sed quomodo poterunt Censores Nostri etiam hac de re, rectum ferre iudicium, sinè actis, sinè probationibus, atque absquè Constitutionum Nostri regiminis notitia?

Quòd si Officio suo, Magistratus, ut par erat, satisfecisset, si tumultui obstitisset, aut jam còortum repressisset, nec indulgisset improbitati Civium; si post patrata facinorà inquitivisset in reos criminum, atque seriò rem egisset, nec nocentium causam defendendo suam fecisset, nemo profectò, qualemcunquè pœnam ei irrogare potuisset. Alia autem omnia docent, sententia & acta, nimirum, nonnullos ex Magistratu tumultum tranquillo animo inspectâsse, & licet commonefactos, imò rogatos, ut suas partes agerent, non fecisse officium, nequè proterviam tumultuantium, cum possent, cohibuisse. Ut taceamus suspicione criminis non carere, quòd portæ Urbis ante còortum adhuc tumultum, solitò citiùs clausæ, quòd ex tribus Urbis regionibus, Cives cum armis præsto esse iussi, tumultum tamen, si non auxerint, minùs certè represserint, sed dum otiosos spectatores agerent, tumultuantibus potiùs instar præsidij fuerint.

Clare compertum erat Iudicio, Magistratùs

Præsidem, tumultum adeò non impedivisse, ut potius augere studuerit. Quid, quòd ante domum Vice Præsidis maximæ petulantiae commissæ, & diffractarum Imaginum Christi, Altariumq; Reliquiæ igne publicè combustæ fuerint, illo, ne minimam quidem indignationem præferente? Nec etiam post commissâ facinora id curæ fuit Magistratui, ut in rem accuratiùs inquireret, & reos criminum puniret, sed id potius egit, ut defensiones eorum instrueret.

Quibus omnibus ritè perpensis, Magistratum Thorunensem participem se tumultûs reddidisse, vix ambigendum est.

Magistratû verò, si, quantum in ipso est, tumultû non impediât, sedet, & puniat, ad causam dicendam in Judicium vocari posse, nemo facilè negabit.

Reipublicæ Nostræ leges, non aliàs magis, quàm hac in parte severæ sunt. Cracoviæ aliquando duo, Nostris Catholicorum Sacris addicti Consules, capite plexi sunt, quòd tumultum non impediverint, in quo Dominus Tenczyńscius est interfectus. Quò enim graviora sunt pericula, quæ ex tumultibus, & seditionibus oriuntur, eò majorem circumspeditionem, & curam Leges Nostræ à Magistratibus exigunt, eòq; graviùs in eos animadvertunt, si præcipuam hanc Officij sui partem, susquæ deque habeant.

Hæc tamen pœna nonnisi paucis irrogata fuit; majori partì, aut remissa, aut mitigata est.

Quòd verò etiam tota Civitas, ob delicta, quæ à majore ejus parte commissâ sunt, privilegiorum jacturâ, aut aliâ severâ pœnâ còerceri queat, extra omnem

6.
omnem controversiam positum est, & regulis juris gentium, atq; omnium temporum exemplis convenit, qualia Grotius de I. B. & P. L. II. Cap: 21. §. 7. & § 10. item

Pufendorff d. I. N. & G. Lib. IIX. Cap. 3. §. 28. adduxerunt.

Itaque si universa Civitas Thorunensis, hanc ob seditionem, privilegiorum, & Iurium suorum jacturam aliqualem fecisset, id adeò iniquum haberi non posset, cum non solum maxima Civitatis pars huic delicto implicita, sed jam antea diversis vicibus (: quarum rerum monumentum hodieque turris Culmensis exhibet:) hæc Civitas ob seditiones & tumultus excitatos, mitioribus pœnis cœrcita, & ut à gravioribus in posterum sibi caveret, admonita fuerit.

Exercitium Religionis Dissidentium in Regno Nostro certis limitibus circumscriptum est. Si autem ij, quorum Religio in Republica quacunque primas partes non obtinet, contra Religionem dominantem insurgant, Collegia, Scholas, Sacraria, Oratoria, Altaria, evertant, devastent, destruant, numquid adeo injultum fuerit, si exercitium Sacrorum suorum ijs pœnæ loco aliquantum restringatur & limitetur? Si Catholici in Anglia, Hollandia, aut alijs in Regnis ac Provincijs, ubi Protestantium Religio principatum tenet, similem tumultum, qualis Thorunensis iste fuit, concitarent, tantosque excessus, quanti istic acciderunt, committerent, num aliter cum ijs agent Protestantes? an ipsis libertatem Sacrorum non mi-

nus quàm antea, sine omni immutatione vel restrictione adhuc permittent?

Sed ne dici quidem potest, *Judicium Nostrum Assessoriale* totam Civitatem, omnesq; *Dissidentes* punivisse: Conservata quippe sunt Civitati sua privilegia etiam in ipsa sententia, disertis his Verbis. *Jura Civitatis illæsa esse volumus.*

Quòd verò simul constitutum est, ut in posterum etiam *Catholici*, Civitatis Consilij in Curia intersint, pro pœna sanè haberi non potest.

Nunquam enim hujus dignitatis incapaces, nec ab ea ullis legibus exclusi fuerunt. Constitutiones Nostræ, & imprimis ea, quæ Anno 1638. publicata est, nominatim & sub pœnâ quingentorum aureorum cavet, ne *Catholici* in Prussia ab hujusmodi Officijs & dignitatibus arceantur, & tam Decretum Regis IOANNIS III. quàm complura anteriorum Regum rescripta, haud obscurè constituunt, ut *Catholici* non minùs, quàm *Augustanæ Confessioni* addicti ad eas admittantur. Cumquè Civitatis *Thorunensis* incolæ partim *Catholici* partim *Dissidentes* sint, ipsa æquitas postulat, ut illi, qui *Religioni* in Regno prædominanti addicti sunt, secundùm veteres Regni Constitutiones, etiam ad Magistratum munera adsciscantur.

Si hoc dudum observatum esset inter utriusque Religionis Assèclas, sine dubio magis vigeret concordia, & fatalis hic tumultus forsitan non ortus fuisset, atquè, ni fallor, causa præcipua, propter quam *Judicium Assessoriale* *Catholicis*, hac ex parte pristina jura restituit, non alia fuit, quàm, ut in posterum ejusmodi tumultus minùs facile, exori-

exoriantur, aut exorti, tantò celerius impedian-
tur ac reprimantur.

Quòd ad Templum attinet, vi hujus sententiæ
Patribus Bernardinis restituendum, non vacat nunc
disquirere, quo tempore, quovè jure id ijs antea
fuerit ademptum.

Memoriæ proditum est, atque si opus sit, pro-
bari potest, hos Patres, cùm olim pestis tempo-
re ex hac urbe excessissent, claves Magistratui af-
servandas, instar depositi tradidisse.

Ex hoc tempore Templi hujus restitutionem
sæpe numerò flagitaverunt, atque diversis tempo-
ribus, à Superioribus Regibus, nominatim à Sigi-
smundo & Vladislao, mandata, & Decreta obti-
nuerunt, ut ijs hoc Templum redderetur.

Quæ à Rege Joanne III. postremùm repetita,
& confirmata, post longas dilationes nunc tan-
dem aliquando ad executionem deducta sunt.

Hæc cùm ita comparata sint, omnibus æqui
animi Dissidentibus judicandū relinquimus, utrū sen-
tentiam à Iudicio Nostro Assessoriali latam, sinè
prævio examine, confestim, tanquam injustam,
crudelem, ac barbaram, damnandi, & propterea
totam Europam adversùs Nos excitandi, & evo-
candi idonea causa affuerit? Certè maximope-
rè mirari subit, non modò quì factum sit, ut pri-
vati homines adèò in transversum abriperentur, ut
antequam de toto negotio certi quidquam ipsis cõ-
staret, tam iniquum de Nobis ferrent Iudicium;
sed multò etiam magis, quomodo Ministri qui-
dam in nonnullis Aulis, incertis relationibus in
eandem fere sententiam adducti fuerint, cùm nec

probatum sit, neque ulla ratione probari possit, Iudicium Nostrum Assessoriale, in perscribendo hoc Decreto, à regulis justitiæ, & æquitatis, aut à legibus Patrijs discessisse.

Ponamus verò, Zelum pro Religione Nostra, venerationem erga Loca Sacra, & Personas religiosas, devotionem erga omne, quidquid Nobis Sanctum est, indignationem adversus tot concurrentia flagitia, desiderium deniquè universæ Nationis Nostræ, justitiam ac vindictam postulantis, Judicum animos tantoperè commovisse, ut hac in causa omnem rigorem & summam legum severitatem sequerentur, aut prorsus etiam aliquantum excederent. Quinimò fingamus etiam, si placet, sententiam, hanc in quibusdam articulis revera esse severiorem, quàm ut ejus æquitas omni ex parte asseri & defendi possit. Nùm propterea alij Regno, aut Reipublicæ jus fasquè erit, revisorium quasi aliquod Iudicium exercere, & à Nobis satisfactionem eo nomine postulare, aut cognitionem tantùm Causæ sibi vindicare? Genti in Gentem Imperium non competit.

Regna & Reipublicæ de his, quæ cum subditis suis agunt, ad reddendas rationes nemini mortalium obstringuntur, eaque disquisitio, utrum sententia aliqua justa sit, an injusta, non ad alium nisi ad supremum Iudicem pertinet. Et quò enim tandem res cum omnibus sententijs, omnium cum justitiæ administratione, imò omnibus cum Rebus publicis redigetur, si sententia, quæ à Supremo Tribunali lata, imò à tota Republica solennissimè comprobata; & confirmata est, extero-
rum

8.
rum rescissioni, reformationi, aut novæ saltem cognitioni submittenda esset?

Nùm alijs in Regnis ac Rebus publicis ullæ feruntur sententiæ, quæ sub censuram vocari, aut in quibus jure aliquid reprehendi possit?

Quodnam verò Regnum, quæ Respublica, hoc casu, alteri in se Jurisdictionem permittet, aut de causa cognoscendi potestatem concedet?

An Nostra unquam Respublica tantùm sibi sumpsit, ut in sententias, & Decreta finitimorum Regnorum, & Regionum inquirendi jus usurparet?

An tantùm à sententijs Regni Nostri ad alia Regna, aliasvè Respublicas datur provocatio?

Nemo utiquè jura, quæ omnibus populis, omnibusquè Rebus publicis competunt, Nobis, spero, negabit; ex his verò præcipuum fere est, quòd ad reddendas de actionibus suis rationes nemini sunt obstrictæ.

Itaque, si Princeps aliquis, aut Respublica in nonnullos ex subditis suis revera gravius quid statuatur, nullum ex eo alij jus consequuntur, ut rem ad se trahere, satisfactionem eo nomine postulare, & in eventum, si ea negetur, bellum veluti denuntiare possint, maximè, si ne ipsi quidem subditi eorum auxilium implorent.

Jam verò Civitas Thorunensis nullius opem aut patrocinium postulavit, quin potiùs publicè testata est, se hæc consilia averfari, & ignorare gravamina, quæ extra Regnum Nostrum tantò cum strepitu moventur. Sed nec favor Religionis & communia Sacra, cuiquam Jus, aut legitimam

causam præstare possunt, ad suscipiendam hujus Cause cognitionem.

Protestantes certè, quantum constat, studium religionis suæ in exteris regionibus conservandæ, vel propagandæ, inter legitimas belli causas nunquam retulerunt. Admonitionibus, & intercessionibus hujusmodi Cause locum faciunt, quæ sæpe plus efficiunt, quàm si de jure contendatur, & per vim quid postuletur.

Mutua enim benevolentia, quam gentes sibi præstant, & amicitia, quâ vicinos inprimis complectuntur, facit, ut multa eis concedant, quæ jure poterant denegare.

Jura autem Gentium sinè dubio violaret Republica, si quæ intempestivo Religionis zelo impulsæ, Jurisdictionem in alteram sibi arrogaret, & ex hujusmodi causa restitutionem in integrum, ac satisfactionem perinde, ac si ea deberetur, sub belli etiam comminatione, & denuntiatione efflagitaret.

Verùm hæc tam clara, ac manifesta sunt, ut non existimem fore quæquam, qui tam levem causam credat sufficere Principibus exteris, ad cognitionem rei sibi vendicandam; facile enim intelligitur, inanem esse, qui ex religionis communione desumitur, prætextum. Alius igitur quærendus fuit, atque eum tandem, qui hos motus excitant, in Pactis Olivenfisibus se invenisse putant.

Hæc ergo Pax novo bello causam, & jus præstare debet.

Contendunt enim, Pacem hanc per Decretum Judicij Nostri Assessorialis violatam esse, adeoque, & ijs, cum quibus ea est inita, & fide:
iusso-

9.
jussoribus hujus pacis jus esse, eam ob causam
satisfactionem postulandi & sumendi etiam, nisi
sponte præstetur.

Constat Pacem hanc inter Poloniæ & Sveciæ
Regna Anno 1660. factam esse; Itaque, qui ad e-
am provocant, & ex ea jus sibi aliquod adversus
Nos vindicare cupiunt, ante omnia curatius ex-
pendere debebant, utrum pax ista adhuc subsistat!
an post novissimum ac diuturnum satis bellum ali-
am faciem induerit?

Utrum, postquam hostilitates inter utrumque
Regnum cessarunt, coaluerit denuò, & agnita
ab utraque parte sit! an verò, & quatenus ab ea
fuerit discessum?

Utrum ij, qui olim Paci huic accesserunt, nunc
quoque eam renovaverint? utrum primi fidejuf-
sores denuò requisiti, & de evictione & gvaran-
tia præstanda interpellati fuerint, eandemque in se
receperint? utrum pristinae fidejussiones exspi-
raverint? an etiamnum subsistant? an non deni-
que per pacta novissima, quæ nonnulli ex ijs qui A.
1660. pacem hanc inierunt, aut pro ea fidejusserunt,
vel cum Regno Nostro, vel cum Regno Sveciæ con-
traxerunt, res in alium planè statum redactæ fuerint?

Sanè animo vix concipi potest, quemadmodū
illis, qui durante illo diuturno & gravissimo in-
ter Nostrum & Svecicum Regnum bello, de Pa-
ce Olivenfi restituenda, parum fuerunt solliciti,
qui, cum proximis hisce annis, in quàm pluribus
Articulis à Pace hac recederetur, se ad conservan-
dam eam ac tuendam obstringi non existimaverūt;
nunc demum ultrò, cum nemo eorum operam
E implor-

imploret, in mentem venire potuerit, Pacem hanc per sententiam in causa Thorunensi latam, turbatam esse, sequé proinde esse obligatos, ut rem in se recipiendo, Rempublicam Nostram ad restitutionem in integrum & satisfactionem, armis etiam, si aliter id fieri non possit, adigant?

Non dèerunt puto, qui in eam adducentur suspicionem, illos, qui vel maximè Pacem Olivensem Nobis objiciunt, non tam conservationem Pacis hujus, quàm occasionem & prætextum novi belli quærere, nec tam de Religione tuenda, quàm de Regione acquirenda esse sollicitos.

Ponamus autem Pacem Olivensem adhuc in suo vigore persistere; fingamus, nullum ex illo tempore bellum inter Regnum Nostrum, & Sveciã intercessisse, nihil immutatum esse, fidejussiones olim interpositas omnes adhuc durare, aut etiam de novo esse repetitas, & confirmatas; quâ ratione, quæso, probabitur, per sententiam in Thorunensi causa latam, fœdera Pacis Olivenfis violata esse?

Res omnis redit ad ea, quæ Art: 2do §. 3. continentur, cujus verba singula, quæ ad hanc causam pertinent, adscribemus, relictâ cuiquæ liberâ judicandi facultate, utrum S. R. Majestas, & Respublica Nostra, violatæ per hanc sententiam Pacis, inculpari possint.

Art. II. §. III.

Civitatibus Prussicæ Regalis, quæ in possessione suæ Regiæ Majestatis Regniq; Sveciæ, hoc bello fuerunt, manebunt itidem omnia jura, liber-

10

bertates, & Privilegia, quibus, sive in Ecclesiasticis, sive in profanis potitæ sunt ante hoc bellum (: Salvo libero, uti ante hoc Bellum viguit, in prædictis Civitatibus Catholicæ & Evangelicæ Religionis exercitio :) earumque Territoria, Magistratus, Communitates, Cives, Incolas & subditos, S. R. M. Pol. eadem quâ olim Clementiâ, & gratiâ Regia in posterum prosequetur, fovebit, & tuebitur.

Quis non videt, hoc §. id potissimum actum esse, ut Prussicis Civitatibus, quæ durante bello, Svecorum partibus adhæserant, amnestia conciliaretur? Hoc verborum contextus indicat, hoc temporis illius Historici docent, ex quibus unum, eundemque Svericum & Brandeburgicum Historiographum allegasse sufficit.

Puffendorff Histor. Carol. Gustavi Lib.

VII. §. 12. pag. 611.

Vigore igitur hujus Articuli, Prussicæ Civitates iterum in gratiam, & tutelam Regiam sunt receptæ, quâ etiamnùm fruuntur.

Jura, libertates, atq; Privilegia ipsis sunt confirmata, quæ ipsis non adempta sunt, neque adimentur; vel in ipso Decreto novissimo, Civitati Thorunensi Jura hæc disertis verbis reservata, & de novo confirmata sunt.

Neque tamen silentio est transeundum, has ipsas Prussicæ Civitates, eodem tempore, quo pax hæc sancita fuit, ac præsertim Thorunensem, jam an-

tea Regi Ioanni Casimiro, qui tunc imperabat, de novo obsequium & fidelitatem promississe, sequé omni tempore, omnia boni, & fidelis subditi officia præstituram, spondidisse.

Atque hæc ipsâ sub conditione eidem pristina Privilegia confirmata, & renovata sunt. Imò qui proximè præcedit § II. Articuli hujus II. disertissimè ostendit, non aliter Civitates Prussiæ, nisi *legibus Regni convenienter*, his Privilegijs uti debere.

Ex quo intelligitur, eas, hæc Amnestiâ, atque his Privilegijs tam diu frui, quoad legibus & officijs suis congruenter se gerant.

Id generis clausulæ in nullis Pacificationum tabulis non occurrunt. Quis verò existimabit, illas subditis hoc præstare, ut ipsis Privilegia, etiamsi delinquant, aut si seditionem moliantur, adimi, aut imminui nequeant?

Eâ certè de re Pacis Olivensis tabulis nihil quidquam cautum est, ipsaque negotiorum natura prohibet, quò minùs Amnestia eò usque extendatur. De illo quippe casu, si quæ harum Civitatum, tumultum concitaverit, aut aliud grave delictum commiserit, atque ita Privilegijs & immunitatibus indignam se reddiderit, eo tempore ne cogitatum quidem est, neque credibile est, eos qui pacem eam fecerunt, hunc casum complecti, & subditis hoc pacto occasionem, & licentiam delinquendi præstare voluisse. Porro de sententia hujus Sphi, Prussiæ, quas diximus, Civitatibus, liberum exercitium Catholicæ & Evangelicæ Religionis, perinde atque ante illud bellum fuerat,

11.
fuerat, saluum esse debet. Hoc ipsum quoque nulli Civitatum Prussiae, & nè Thorunensi quidem interversum est; quippe libero Religionis exercitio etiamnum gaudet, quantumvis Catholicos in suae Religionis exercitio, inaudito planè modo turbaverit. Quòd si ei, in poenam hujus criminis, exercitium Religionis Lutheranae certis limitibus restrictum esset, non tamen idcirco id pro infractione pacis hujus haberi posset: privilegia enim requirunt, nè quis ijs malè utatur. Casus delicti, nec Privilegijs Civitatum Prussiae, neque Pace Oliveniensi comprehenditur.

Templi, quod Patribus Bernardinis restitutum est, nulla in hac pace facta est mentio; hoc enim Templum, ut superius diximus, jam ante illud bellum, per complura Decreta Regia Patribus his adjudicatum, Civitatisque ejus Restitutio injuncta est. Quae Decreta Pax Olivenensis adeò non sustulit, ut potius utrique Religioni, & consequenter, etiam Catholicæ, Jura, quibus ante illud bellum fruebatur, confirmaverit.

Quòd si tamen quis existimaverit (: etiamsi id vix concipi possit :) in causa Thorunensi nonnihil contigisse, quòd Paci Oliveniensi, ejusque Articuli II. §. 3tio adversetur, ijs ipsis tamen, qui nunc maximos propterea motus cient, eà de re cõquerendi jus non competeret:

Non enim Pax hæc inter Rempublicam Poloniam & Electoratum Brandenburgicum, sed Poloniam inter & Sveciam est inita.

Electo Brandenburgico illo tempore, unà cum Sac. Cæs. Maj. & Regno Poloniae ex una, eademque

quæ parte, contra Svecos, velut alteram adversam partem stetit, adeoque illi in hac Pace pro una veluti Persona habentur. Nominatim verò Art. II. §. III. non nisi ad instantiam Regis Sveciæ, qui durante illo Bello, Prussiæ Urbes possederat, ijsquæ hanc Amnestiam prospicere allaborabat, insertus est.

Vid. Puffendorff Histor. Car. Gustavi.
Lib. VII. §. 12.

Electo Brandenburgico ratione Prussiæ Regalis tunc temporis nihil quidquam stipulatus est, nec vicissim Rex Poloniæ Joannes Casimirus & Respublica ipsi hæc ex parte quidquam promiserunt.

Manet potius Electorem Frider. Vilhelmum hæc gloria, quòd eo tempore Catholicorum in Livonia patrocinium strenuè suscepit, pro ijs apud Regem Sveciæ intercesserit, ac ut ijs liberum Religionis exercitium relinqueretur, sedulo allaboraverit. Adeoque aula hæc causam habet, prospiciendi potius, ut ea, quæ Art. IV. §. II. Tabularum Olivenfium pacta sunt, rectè observentur, quàm, ut de Art. II. ac de ijs, quæ ratione Prussiæ Civitatum cum Svecis pacta sunt, sollicita esse debeat.

Soli Sveciæ Regno, siquidem Pax hæc adhuc subsisteret, & huic articulo contraventum esset, potissimum admonendi nos ea de re jus competere. Quantum verò constat, Svecia apud Regem Nostrum Serenissimum & Rempublicam nihil quidquam de eo conquesta est. Confidimus etiam suam R. Majestatem unà cum Ordinibus Regni Sveciæ pro æquitate sua, ea, quæ hac in Cau-
sa ge-

sa gesta sunt, pro violatione Pacis Olivenfis non habituram esse.

Reliquis certè Principibus, & Rebuspublicis, Pax Olivenfis, nullam causam præbere potest, cur Nobis hac de re litem moveant. Quàmvis enim Articulo 35. hujus Pacis omnes in Univer-
sum Paciscentes se mutuò ad fidejussionem generalem & evictionem obstrinxerint, id ipsum tamen planè ad alium casum pertinet, si nimirum una pars alteram bello aggrediatur, qui casus certè nunc non existit. Quod si verba quis §. II. Articuli huius 35. urgeat: *Si contingat unam partem ab altera gravi aliquâ injuri, citra tamen vim armorum vexari &c.* nè ea quidem ad præsentè casum applicari possunt. Hic ipse enim Paragraphus docet, expectandum ante omnia esse, an pars læsa cum lædente convenire possit, quippe quamdiu hæc spes superest, compaciscentibus nullum jus est, negotio se ingerendi.

Nec ante quidquam suscipiendum erit à compaciscentibus, aut fidejussoribus, quàm post factam à parte læsa requisitionem.

Quarum rerum omnium nihil hucusquè factum est. Non enim compertum est, partem læsam quidquam à Republica Nostra postulâsse, nec dici potest Nos ea de re convenire non posse, nequè eos, qui hac de re maximos cient motus, quisquam compellavit.

A Thorunensi & reliquis Prussæ Civitatibus quidem hoc certè non est factum, quàmvis cum his né inita quidem hæc pax sit, ut pro parte pa-

ciscente haberi nequeant, licet amnestia, quæ Art. 2. §. 2. continetur, ad ipsas pertineat.

Compaciscentibus autem, qui ante hæc Nobiscum adversus Svecos bellum gesserunt, & in pace cum Svecis condenda, socij, & adjuutores Nobis fuerunt, qui in 2do Pactorum horum Articulo, nihil quidquam à Nobis stipulati sunt, quibus Nos nihil promissimus, tantò minùs in mentem venire potest, se per sententiam à Iudicio Nostro Affessoriali latam, læsos esse, aut Nobis lædendi ipsos animum fuisse.

Sed nec fidejussores Pacis Olivenfis causam habent, huic negotio se ingerendi, inprimis autem vix intelligi potest, quâ ratione S. R. Majestas Magnæ Britanniæ huic negotio implicari possit.

Integrum sanè est, Serenissimo illi Regi, tanquam Defensori Fidei Religionem dominantem in Regno & Provincijs suis tueri, ac defendere.

Integrum ei etiam est, religionis suæ affectuum, & omnium Protestantium, quamcunque Cõfessionem Fidei sequantur, etiam extra Regnum Angliæ, patrociniũ suscipere, pro eis intercedere, & Officia sua interponere.

In statum verò Religionis Poloniæ Nostræ inquirere, aut Protectorem, & Defensorem Dissidentium apud Nos agere, nè quidem Rex Angliæ desiderabit, sicuti nec permittet, ut alij Catholicorum in Regnis, & Provincijs ejus, tutelam suscipiant, & Jura eorum, atque exercitium Religionis, quo fruuntur, ipsis asserere contentur. Speramus

15
ramus potiùs ac certò confidimus cum locum da-
turum æquitatis plenissimæ regulæ :

Quod tibi non vis fieri, alteri nè feceris.

Sed & Pax Olivensis suæ R. Majestati ansam
nullam suppeditare poterit, ut negotio huic se in-
terponat; sanè non constat, an Rex Sveciæ, Ca-
rolum II. Angliæ tunc temporis Regem, fidejuf-
forem hujus Pacis unquam nominaverit, aut ad-
sciverit. Rex iste, eo tempore, quo Pax Olivensis
còalescebat, Regnorum suorum gubernacula non-
dum capefferat. Certè Pacis, quæ Sveciam in-
ter, ac Daniam, aliquot demùm menses post
Olivensem, conclusa fuit, Mediatorem, non Rex
Carolus, sed Respublica Angliæ egit.

Et quàmvis non diffiteamur Regem Nostrum
Ioannem Casimirum, & Electorem Brandeburgi-
cum, post Pacem Olivensem initam, Carolum
hunc II. intra præfinitum Articulo 36. temporis
spatium, unà cum alijs, fidejussorem denominasse,
non tamen satis constat, an fidejussio hæc à Caro-
lo Rege unquam acceptata fuerit. Quòd si hoc
quoquè dederis, à Nostra certè Republica con-
tra Regnum Sveciæ, non autem ab hoc Regno
contra Nòs, ad Gvarantiam electus & requisitus
fuit.

Itaque non apparet, quâ ratione nunc ad fide-
jussionem hanc provocari, eaque contra Nos al-
legari possit. Quis credidisset, fieri posse, ut hæc
ex singulari fiducia & intuitu perpetuæ amicitiae,
quæ Regno Nostro cum Angliæ Regno ab omni
memoria intercessit, facta denominatio Regis Ca-
roli II. ad Fidejussionem, quam ille, ut videtur,

ne quidem in se suscepit, contra Nos aliquando allegaretur, atque ex ea, occasio in Instituta, leges, sententias, & Decreta Nostra inquirendi, & de ijs cognoscendi captaretur? Accedit ad hæc, quòd Fidejussores Officia sua antè interponere non soleant, quàm ab ijs, ad quos res pertinet, fuerint requisiti; Paſtorum verò Olivensium Articulo 36. etiam nominatim cautum est, id non nisi ad requisitionem partis læsæ fieri debere.

Quæ verò hîc est pars læsa? aut à quo tandem facta est requisitio? Civitas certè Thorunensis fidejussores non sollicitavit, sed nec pro parte compaciscente ea, aut pro parte læsa ullà ratione haberi potest. Quodsi Regnum Sveciæ Pacis Olivensis restitutionem postularet, sanè alias, & graviores certè causas haberet, ex quibus eam urgeret. Atque vereor, ut ij, qui Regnum Sveciæ sollicitant, ut Pacis hujus rationem habeat, sibi suisque socijs benè consulant. Fidejussores Pacis Olivensis, ut superius ostendimus, eo tempore, quo inter Nostrum, & Sveciæ Regnum bellum gerebatur, parum de restituenda Pace Olivensi solliciti fuerunt.

Anglia, in primis, cùm Livoniæ & Germanicarum, quæ ad Regnum Sveciæ pertinent Provinciarum, ad quas nominatim Olivensis Pax Arctic: i. extenditur, conditio & status non parum immutaretur, non putavit, suarum partium esse, se causæ huic interponere, aut de Pace Olivensi conservanda vel restituenda cogitare.

Nunc verò, postea quàm Pax ista aliam planè faciem induit, sponte etiam, nec quoquam implorante,

14
rante, ad eam provocatur, ex eaque prætextus capi posse creditur, sententia s & Decreta Iudiciorum Nostrorum reformandi, & in Nos quasi Jurisdictionem quandam sibi arrogandi.

Quæ, qui singula absque partium studio consideraverit, is facile intelliget, vim fieri Pacis Olivensis tabulis, si ad hanc causam trahantur, atque S. R. Majestas & Respublica Nostra Pacis hujus violatæ arguantur.

Itaque hæc sufficere poterunt causæ, & instituto Nostro. Superest, ut moneamus, ipsa Pacta Olivensia luculenter docere, quâ ratione procedendum sit, si quid contra Pacem hanc admissum fuerit, quò tantò manifestiùs appareat, etiamsi quis fingat Pacem Olivensem hùc trahi posse, alio tamen prorsùs modo hoc negotium tractandum fuisse.

~~Secundùm Articulum 55. §. 2dò Pacis Olivensis, pars ea, quæ ab altera læditur, primùm tentare debet, ut adversæ Parti ipsa per se reconcilietur, hoc enim præcipiunt verba hujus Articuli:~~

Si contingat, unam partem ab altera, vel plures à pluribus gravi aliquâ injuria, citra tamen vim armorum vexari, non licebit ideò læso ad arma subito recurrere, sed antè amicabilis componendarum hujusmodi controversiarum ratio ineunda erit, videlicet, ut læsus acceptâ injuria, si immediatè cum lædente convenire nequeat, alios Paciscentes moneat &c.

Si quis igitur crediderit, Rempublicam No-
stram, Pacem Olivensem violasse in causa Tho-
runensi, quòd nulla ratione probari poterit, is
tamen concedet, expectandum ante omnia esse, do-
nec pars læsa aliquid ob eam rem ad S.R.M. & Rem-
publicam Nostram deferat; experiendum priùs,
utrum pars cum parte sine arbitris redire in gra-
tiam, & ne adhibitâ quidem cæterorum, sivè com-
paciscentium, sivè etiam fidejussorum opera, de
causa transigere velit; si amicabile compositio
inter partes frustra tentata fuerit, tum verò secun-
dùm Pacta Olivensia reliqui paciscentes à læso ea
de re admonendi, & de ope auxilioquè præstan-
do compellendi sunt. Ergo hæc quoquè interpel-
latio, & admonitio expectanda erat, si quidem
de Pace Olivensi violata, quòd fieri omninò ne-
quit, agi Nobiscum possit.

His quoquè remedijs si nihil efficiatur, Com-
missio Generalis omnium Paciscentium nomine,
ad confinia læsi, intra quatuor Menses est insti-
tuenda, ibiquè, ut lis intra alios quatuor Menses
dirimatur, sedulò danda est opera.

Hæc singula luculenter ostendunt, hunc §. ad
præsentem causam, nulla ratione trahi, aut refer-
ri posse. Quæ enim sunt illa læsæ partis con-
finia, ubi Commissio Generalis institui possit? Quæ
est illa gravis injuria, quâ pars à parte fuerit af-
fecta?

Sed fac, hæc omnia habere locum; generalis
tamen ab omnibus & singulis paciscentibus, adeo-
què à S. Cæsarea Majestate, à S. R. M. & Republi-
ca Nostra, atquè à Regno Sveciæ, & ab Aula
Prussi-

Prussica, Commissio instituenda erit, si Pacem Olivensem sequi volumus.

Quòd si ne sic quidem partes in gratiam redeant, tum demum læso integrum est, alteri bellum solenniter denuntiare, & jus suum armis profsequi.

Non minùs Articulus 36. Pacis Olivenfis postulat, ut media amicabilia ante omnia adhibeantur. Si hæc non procedant, tum demum fidejussores parti læsæ, ad ejus requisitionem, se sociare debent.

Fidejussoribus igitur non licet, causam suam facere, nequè ijs jus esse potest interponendi se, aut satisfactionem, additâ belli etiam comminatione, postulandi, nisi eo casu, quo ipsi parti læsæ, per ea, quæ Articulo 35. cauta sunt, hoc jus competat, atquè, si ab ea hoc Nomine requisiti fuerint, & interpellati. Atque hanc potissimùm ob causam fidejussores pacis hujus nominati, & gvarantiæ constitutæ fuerunt, ut ne lites, facile in bellum erumperent, quod ipsa verba Articuli 36. & is, quem supra allegavimus, Sveticus & Brandeburgicus Historiographus.

Puffendorff Histor: Caroli Gustavi Lib. VII. §. 12. pag. 611. abundè testantur.

Quòd si etiam fidejussores requirendi sint, singuli qui paci huic accesserunt, eo nomine rogandi, & compellendi erunt, Inprimis Rex Gallix Christianissimus, cujus potissimùm operâ Pax Olivenfis composita fuit, quem omnes, ut hanc Fi-

de iussione susciperet, rogârunt, & qui in ipsis Pacis tabulis eam solenniter in se recepit; nec minùs Rex Hispaniarum, qui à Regis Poloniæ, & ab Electoris Brandenburgici Legatis fideiussor nominatus est, atque has partes suscepisse, se statim post Pacem conditam declaravit.

Denique etiam Foederati Belgij Respublica, quæ pariter denominata fuit, quamvis, utrum ea Gvarantiam hanc acceptaverit, non satis constat. E-nim verò supervacuum est, hac de re plura verba facere? satis manifestum est, Pacem Olivensem à Republica Nostra per sententiam in Causa Thorunensi pronuntiatam, nulla ratione esse violatam.

Quòd si ergo quis ex ijs, qui pacem hanc Nobiscum inierunt, hoc solo prætextu usus, ad arma venire, & nulla à Nobis accepta injuria bellum Nobis inferre velit, is ipse potius ruptæ ac violatæ pacis hujus jure argui poterit.

Quare & confidimus, si id contigerit, cæteros Paciscentes & fideiussores, Nostris partibus accessuros, suaque Nostris armis sociaturos esse.

Speramus etiam fore, ut Regnum Angliæ, quo cum nostra Respublica continenter pacem, atque amicitiam coluit, & quo cum semper pacem colere cupimus, hæc probè perpendat, & se non contra Nos, sed à Nobis & Nostris Causâ ad Pacis hujus Fideiussionem nominatam esse cogitet.

De Aula verò Prussica rationes plures sunt, quam ob rem idem, Nobis polliceamur.

Ele-


Electoꝛatus Brandeburgicus in ipsa Pacificati-
 one Olivenſi cum Noſtro Regno ab una parte
 ſtetit; Pacta quoque Velavienſia Aulam hanc ad
 perpetuum, & inviolabile foedus Nobiſcum ob-
 ſtringunt, quibus promiſit ſe fidam Nobiſcum a-
 micitiam & unionem culturam, neque unquam
 cum hoſtibus Regum & Regni noſtri foedus, di-
 recte, in praerudicium Regum Noſtrorum, aut Rei-
 publicae Noſtrae inituram, adeoque multo minus
 arma adverſus Nos capturam eſſe.


Quod reliquum eſt, licet ſperare non poſſimus,
 nos, ea quae diximus, ijs qui praerudicijs plane praer-
 occupati, & affectuum vehementiam abrepti, nil
 niſi bellum & turbas quaerunt, probaturos eſſe;
 id ab ijs tamen, qui cauſas rerum probe expen-
 dere conſueverunt, & moderatioꝛis ſunt animi,
 atque pacem & tranquillitatem amant, facile Nos
 impetraturos credimus, ut aut Nobis aſſenſum
 omnino praerbeat, aut rem certe ulteriore in-
 dagatione, & diſquiſitione dignam eſſe
 cenſeant, atque adeo iudicium tantisper
 ſuspendant.



Faint, illegible text, likely bleed-through from the reverse side of the page.







Biblioteka Jagiellońska



stdr0023520

DE LA
BIBLIOTECA
DE MR. J. P.
ALEXANDER
LUCENTIA